

Disputatio Medica

Inauguralis,

De

VERTIGINE ejusque
CURATIONE

QUAM

Divini Numinis Auspicio

Authoritate & Decreto

Venerandi & Amplissimi Collegij Medi-
corum

SUB PRÆSIDIO

Dn. MATTHÆI

MÜLLERI DOCTORIS

MEDICINÆ, IN ILLVSTRI

ACADEMIA TVBINGENSI, PROFESSORIS

ORDINARIJ CLARISSIMI, PRÆCEPTO-

ris & Patroni sui æternum co-

lendi.

Pro summis in Medica facultate honoribus & privilegijs Doctora-
libus consequendis, publico & placido exami-
niconmittit

Iohann Reinhardus Kitter / Halâ Suevus.

Ad diem Septemb. horis locqꝫ consuetis.

✻ : (O) : ✻

TUBINGÆ,

Typis Theodorici V Verlini, Typof.

ANNO M. DC. XXIII.



Disputatio

De

VERTIGINE ejusque CURATIONE.

PRÆFATIO.

ARcem Palladis, sacrum sacre
animæ templum *turbari*, li-
quidò nobis, ex plurimis periculo-
sissimis rationibus, de infimo ad
supremum ventrem prodeuntib.
ex sequentibus patebit. Hinc in minore mun-
do Vertigines functiones animales impedi-
entes suboriri solent, quarum circumgyratio-
nibus patientes gravissimè conflictari vide-
mus. Ne verò columnis ruentibus basis to-
tius ædificij collidatur, operæ pretium me fa-
cturum existimo, secundum artem Ascle-
piadeam huius Symptomatis Nomen,
definitionem, subiectum, differentias, causas

Et signa, denique etiam curationis Methodum levi saltem penicillo adumbrare, adumbrata sub placida disputationis incudem revocare. Quapropter hic loci, Christo Auspice, sigillatim de singulis hisce partibus tradendum, tractandumq; ; Age ergo iaciamus aleam; faciam periculum

Quid nostri valeant humeri, quid ferre recusent.



Σὴν Θεῶν.

T H E S I S I.

Nomen.

Vertigo à vertendo *Latinis* nominatur, quod in gyrum omnia videantur verti. *Græcis* δῖνος, *Gal.* 4. de vict. rat. ἑλιγνος, *aph.* 17. 23. & 31. lib. 3. *Germ.* Der Schwindel / Umberumblung.

II. Sumitur hoc vocabulum à *Medicis* interdum vel generaliter seu improprie, vel in specie & proprie. In generaliori significatione offert se *Gal.* lib. 3. de locis aff. c. 8. Alij illud pro uno & eodem affectu habentes, quorum *Fuchsf.* lib. 1. *Meth.* c. 19. Alij denique dicentes, diversos affectus quidem esse, re ipsa & nomine, magnam tamen cognationem inter se habere. Et *Gal.* lib. 2. *Meth.* c. an, quod morbis nomina imponantur, interdum à Symptomatibus, etiam interdum alio modo.

Disputatio Medica.

5

Vt autem res sunt, ita quoque definiuntur, ut habet *Philosophus*.

III. Nos verò hanc definitionem dicimus; Ver- *Definitio.*
tiginem esse actionem in Cerebro corruptam, à spiri-
tuum animalium affectione morbida introductam,
phantasiam visionem inordinato motu lædentem. *Vel*
annotante Foresto; Est affectus cum caput tantum videa-
tur circumferri, estque imaginatio quædam, ut omnia
exteriora circumagi videantur sine tenebricositate.

IV. Posita definitione colligitur, Vertiginem
Symptoma esse in genere noxæ functionis tum imagina-
tivæ depravatæ, tum visionis depravatæ.

V. Symptoma hoc in ventriculis cerebri reside- *Subjectum.*
re, illuc p. n. spiritus moveri & circumagi, tandem inor-
dinato motu, tum spirituum tum humorum spiritus vi-
sibiles impediri, ex quibus sanè colligendum, ipsum sub-
jectum in parte anteriori Cerebri residere; Aliquo etiam
modo pro subjecto habentur ipsi Oculi. *Ratio eruenda ex*
Gal. c. 8. lib. 3. de loc. aff.

VI. Differentia eius sumitur, vel à *forma*; vel à *Differentia.*
tionem causæ efficientis.

VII. A *forma*; consistit primò in *læsâ imagina-* *A forma.*
tionem; secundò *visionem*, tertio in *motu voluntario.*

VIII. Prima species est *læsâ imaginatio*, quæ in-
troducitur vel ad caput, vel ad oculos. Illa, spirituum ani-
malium p. n. circummotio. Hæc, externarum rerum
circumactio.

IX. Altera species est *visio*; Hæc pro causarum
varietate vel magis, vel minus depravatur.

X. Aufertur, ut in *σύνωπμα*, tenebricosa Vertigine,
prout spiritus animales imbecilliores p. n. ab irruenti-
bus exhalationibus noxijs rotantur, ubi non solum ima-

ginativa aberrat, verum etiam visiva functio abolita est, ita ut sensus visus pereat, adeò omni cognitione privetur. Vel *non aufertur*, si transitus tantum spirituum animalium ad oculos prohibeatur, unde fieri solet imaginatio & visio depravata, ob inordinatum spirituum motum, quod vitium, prout nunc maius, nunc minus totum reliquum corpus in consensum trahit.

XI. Tertium ordinem harum specierum servat voluntarius motus, quanquam ille sit liber, tamen non absolutè, sed corporis affectibus subditus, quapropter interdum liberè moveri non potest, sed aliter movetur, quam naturaliter debeat moveri, qua ratione nunc elevatur nunc deprimitur secundum *Magis & Minus*, cuius causa proxima imbecillitas facultatis motricis, ut ob agitationem spiritus animalis, vel ob nervorum intemperiem præcipuè frigidam.

A causa efficiente.

XII. Secunda divisio ipsarum differentiarum sese exhibebit, *causam efficientem* considerando, illam spiritum animale p. n. movere, vel *lasa facultate*, vel *ob errorem externum*.

XIII. *Lasa facultas* aut labefactatur aut impeditur.

XIV. Priore modo, intemperiem inæqualem calidam, frig. hum. sicc. labefactando; qua de causa, labefactatis his qualitatibus, proinde dolores suboriri, & inde spiritus commoveri solent.

XV. Calori quidem sunt vehementissimi dolores, sed breviores: Frigori minus subiti & diuturniores: Ad tertiam & quartam qualitatem *Gal. dicit, c. 5. lib. 1. de sympt. causis*: Siccitatem multoque minus Humiditatem dolorem non posse inducere, nisi calori aut frigori coniungantur, rarò etiam humiditas sine copia aut humore partem corporis distendit.

Disputatio Medica.

XVI. Posteriore ; impeditur læsa facultas ob
Compressionem vel Obstructionem.

XVII. *Compressio* fit , tum à causa *Externa* tum
Interna. *Externâ* ; ut fractio cranio , ictu , contusione vt
casu , vinculis arctius capiti iniectis. *Internâ* ; tumore
quocunque p. n. nervis cerebri incumbente. *Obstructio*
verò accidit à vaporis & humoris peccantis specie , vitio
& causa generante.

XVIII. Denique p. n. spiritum animale mō-
vere dicimus , propter qualitatem dolorificam ab errore
externo inductam. De quibus mox uberius in causarum
enumeratione videre est , tempestivum iam erit sermo-
nem ad eas transferre.

XIX. *Aër* oculo tale instrumentum , quale ner- *Causa Externa.*
vus cerebro *de placid. Hipp. & Plat. lib. 7.* Naturalem
verò qualitatem visionis depravari , ex constitutione tam
calida quàm humida sive Austrina , constat. Hinc *vene-*
randus senex Hipp. lib. de flatibus monet : *Aër* conturba-
tus sanguinem turbat ac conspurcat , quæ constitutio
non solum auditum hebetat , caput gravat , verùm etiam
Vertiginem oculis infert , *juxta aph. 17. lib. 3.*

Nec despiciendæ vigiliæ nimix , somnus multus ,
cruditates ex cibo inordinato frequentes , crapulæ , mo-
tus & balnea mox à cibo , usus aquarum aluminosarum ,
nitrosarum , cibi & potus immoderata quantitas & qua-
litas , fames diuturna , immodica corporis exercitatio , pa-
thematia tum corporis tum animi vehementiora , ira
nim. mœrores , timores , curæ , excreta longiore tempore
retenta , in primis consuetæ evacuationes naturales & ar-
tificiales intermissæ , similiter incommodare dicimus.

Huc referri etiam possunt , omnis generis venena
& quædam medicamenta quæ non ritè præparata verti-
ginem inducunt.

Causa Interna.

XX. Ad causam Internam continentem seu proximam proximam pertinet flatuosus ille spiritus, quatenus inordinato motu spiritum animale[m] movet, qui in cerebri cavitatibus continetur, præcipuè in magnis illius finibus & arterijs, qui ex gravitate capitis, eius dolore, aliorumque sensuum oblæsiõne cognoscitur. Si vitium repentè aut brevi tempore invaserit, obstructio est ex humoris affluxu, sin pedetentim multo[rum]que tempore, aut intemperies aut adstrictio in causa erit.

XXI. *Quercetanus in tetrade cap. II.* proximam causam vertiginis residere & exhalare ait, ex resinosis tartareis[que] sulphureis contentis, tincturam nigræ fuliginis continentes sine acrimonia: propterea quod nullam salium naturam possideant, id ea ratione fieri demonstrat, quia Vertigo nullos dolores inferre videtur, ut fieri soleat in cephalgeis, hemicraneis, delirijs & ardentibus febribus, ob fumos ex salibus vehementissimè prodeuntes.

Signa.

XXII. Tanta *Signorum* necessitas, ut illis sublati, medicinæ fundamenta corruant, desumuntur autem illa hoc in loco secundum *formam*, quæ fiunt per *ιδιοπάθειαν*, cum primariò cerebrum afficitur. Alia secundariò per consensum sive *συμπάθειαν* ventriculi, uteri, alijsque inferioribus corporis humani partibus, ægrâ quâdam qualitate infectis, proveniunt. *Gal. lib. 3. de loc. affect. cap. 8.*

XXIII. Per *ιδιοπάθειαν*, quando tota corpori constitutio sana, caput autem natura debile, ut ex morbo prægresso gravior hemicrania, febribus continuis, luvenerea, aut alio modo debilitatum fuerit.

XXIV. *Alterum Signum*, si per consensum ventriculi nim. ex bile, pituita sola vt alijs humoribus mixt

mo

morsum ventriculi, syncopen, erosionem, nauseam & singultum excitare consuevit.

XXV. *Tertium Signum* è regione matricis sumptum, cessantibus aut suppressis præter consuetudinem mensibus illud cognoscitur, quibus adest pulsus velox, urina colorata & pauca, macies habitus biliosus, &c. hæc intemperiem calidam arguunt. Si frigida fuerit, aderit prædictis contrarium, præterea menstrua erunt alba & aliquando nigra, in præsentia erit gravitas & cruditas ventriculi, cum sputi magna copia, interdum etiam alvi excrementum cum pituitosis excrementis reijciuntur.

XXVI. *Signa diagnostica*, quibus hîc affectus demonstratur, facillima sunt, quippe laborantes omnia vident circumvolvi, si sola vertigine corripiantur. *Signa Diagnostica.*

Verùm si affectio oculos etiam oblædat, accedit insuper tenebrositas: sicuti dum motivi spiritus etiam oblæduntur, titubatio, inconstantia & graduum claudicatio subitusque casus accedunt: Rubor faciei, pulsus arteriarum temporalium, quarum situs retrò aures reperiuntur, apparet, adest præterea gravitas capitis, splendida oculis inter multas tenebras sese offerunt, & si à sanguine vapor est. Tempore somni à bilis succo, æger se volare putat, nec non vigilijs torquetur; Pituitam sequitur pigritia, somnolentia; Melancholiâ gravitas corporis, somnia timidiora, cogitationum corruptio. Hisce simplicibus fiunt inter se miscendo composita. Nunc breviter de *signis prognosticis* transigendum.

XXVII. Quævis Vertigo proxima est Epilepsiæ & Apoplexiæ, teste Gal. *comm. aph. 7. lib. 3. & 4. de victus rat.* Austrinæ constitutiones Vertigines faciunt, eaque senibus facile accidit 7. & 31. *aph. sect. 3.* *Signa Prognostica.*

XXVIII. *Signa prognostica, alia sunt salubria, alia insalubria, alia neutra.*

XXIX. Si dolor capitis vertiginem succedat, bonum: Si morbus ex Compressione, vertigo admodum periculosa: Si intemperies inæqualis non admodum periculosa: Si Morbus obstructionis prognosticandum an sit secundum Magis & Minus vehemens: Si vapor sanguineus, minatur delirium: Si pituitosus Apoplexiam: Si melancholicus minatur Epilepsiam. Periculosa Vertigo est, si capitis magna adsit repletio, quæ cum ægrè auferri possit in earum & Apoplexiam interdum desinit. Quicumque sano corpore purgantur, non solum Vertigines, verum etiam tormina patiuntur, cum his purgatio difficulter procedit. *Gal. comm. aph. 37. lib. 2.*

Curatio. XXX. Tantum curando deficimus, quantum cognoscendo aberramus, & curationis initium esse cognitionem morborum, quæ cognitio pro varietate causarum dignoscenda venit, ut *Gal. passim lib. 1. & 2. Meth.* docet. Idcirco prius causa morbi tollenda, quàm sublata morbus ipse tollitur. Morbi enim nunquam deleri possunt manentibus causis.

XXXI. *In curando verò hoc Symptomate eò respiciendum, ut vitiosa qualitas alteretur; Secundo peccans causa tam in capite recepta, quàm recipienda derivetur, revellatur & avertatur. Tertio caput & nervosum genus corroboretur & corroborando spiritus animales puriores reddantur.*

XXXII. Quapropter breviter his omnibus consideratis, rectà *Curationem* accedemus, quæ ad tria præcipua Medicorum instrumenta respicit; *Dietam, Chyrurgiam & Pharmaciam.*

XXXIII. Cùm verò *Dieta* sex rebus non naturalibus perficiatur, *Aëre* videlicet, *cibo & potu*, *somno & vigilia*, *retentione & inanitione*, denique *animi affectibus*, statim aërem aggrediendum putamus.

XXXIV. *Aër*, eligendus erit temperatus, purus *Dieta* & lucidus, omnibusque inquinamentis carens, vitandus nocturnus, Austrinus, ventorum flatibus agitated, corpora nostra à statu naturali deiciens, & denique vitiosas qualitates inducens. Priorem si tempus anni aut locorum situs deneget, illum arte in ædibus procurandum esse, convenientibus nim. *suffimentis* varijs adhibitis ex l.g. rad. cort. fruct. &c. alijsque simplicibus exinde compositis. Vbi tamen cavendum, ne caput fortassis nimio odore repletum, magis magisque offendamus.

XXXV. Huc pertinet secundo *Cibus*. Tali verò *Cibus* in casu probantur cibi *εύχυμοι & εύπεπτοι*, qui temperata qualitate præditi sunt, facile concoquuntur, nullamque pravam qualitatem nec ad Caput, neque ad alias corporis partes introducunt. *Caro* eligatur vitulina, vervecina, agnina, gallinarum, pisces saxatiles, pruna Damascena cum passul. minoribus. *Ex oleribus* spinachia, acetosa, beta & similia, quibus vis facilis concoctionis & modicè humectantis inest. *Ex fructibus* potissimum laudantur nuces pineæ & pistacia, quippe cerebrum admodum corroborare creduntur. Reliqui *fructus* horarij omnes damnentur.

XXXVI. Qua ratione meritò *Intemperantia* dissuadenda, quæ aliàs malorum genitrix, Medicorum nutritrix rectissime dicitur. Inprimis verò non negligenda, quæ concoctionem ventriculi juvant, crudas evaporationes impediunt, quo fine *pulverem* talem *pepticum* post pastum ponimus: R. pul. pan. alb. tost. ℥iβ. Co-

riand. præp. ros. rub. an. ʒß. Mastych. Corall. rub. præp. Cinam. Nuc. musc. an. ʒj. Sacc. ʒß. *F. pul. cum pane tosto, in vino humectatur, quant. ʒj. sumatur.* Nec dissimili modo hæc *Tragac.* ad promovendam concoctionem, corroboracionem Capitis & gignendos spiritus in vino utatur: R. Man. Christi perlat. santalat. an. ʒj. Sacch. ros. tab. ʒij. Carn. Cydon. ut teri possit ʒjß. Sem. Coriand. anis. foenic. liquirit. an. ʒß. Santal. alb. Citrin. an. ʒij. Agollach ʒj. Corall. utriusque. Marg. an. ʒß. Cinam. ʒß. *Misce.* Vel ante cibum hos *morsulos* sumat: R. amygd. rec. excort. pinear. præp. an. ʒvj. *Fiat Emusio* cum aq. beton. q. s. huius R. q. s. ad dissol. spec. aromat. ros. Diamosch. dul. an. ʒj. Diacinam. diagal. diarrhod. abb. an. ʒij. Zinzib. albiss. ʒj. Carioph. Mac. calam arom. nuc. musc. Cubeb. an. ʒij. lig. alcës trit. in pul. ʒß. Cinam. elect. ʒiiij. Gran. paradys. ʒij. Cum sacch. albiss. q. s. arom. crassul. incis. *f. conf. in Morsul. dosis mors. j.* interdum plus vel minus pro sumentis natura, aut per se, aut cum liquore corroborante sumendo. Est & sequens victus ratio concedenda, quæ facilis est concoctionis beneque nutriens, (potiss. debiles vires & consumptionem totius corporis considerando) nim. *succus carniū ex capone* cum aq. rosar. paucō Cinam. & Macc confectus: Brodium etiam carnis cum ovis dissolutis admittendum.

Post cibum hoc *Electuarium* exhibendum, quod exhalationes in caput ascendentes impediat, concoctionem promoveat: R. Conserv. rosar. antiq. ʒß. Diacyd. simpl. ʒß. spr. vitriol. gutt. 7. Syr. de menth. quantum. *f. F. Elect. molle*, de quo quantitas nucis iugl. post cibum sumatur.

diffuadeat, attamen illud moderata quantitate & qualitate sumptum, minimè nocere agris statuimus, potissimum verò ubi vinum non admodum generosum, quod vi penetrandi nervoso generi, capitiq̃ue inimicum redditur, circa cerebrum eiusq̃ue membranas inflammationes producens, nec austerum crudumq̃ue, quod excrementitias tartareas materias circa viscera concoctionum non parum augeat, quapropter vina crassa quæ sunt & nigra non possunt esse utilia, utpote quæ non sunt concoctu facilia & moram multam in ventriculo faciunt. Sed *vinum* præbeatur *ὀλιγοφορον* & *tenue*, quod cruditate sua ventriculo non noceat, nec nimia caliditate caput repleat, quale Neccarinum, Moscatelli saporem referens, præsens etiam vinum haud incommodè per infusionem herb. Meliss. rorism. card. benedict. saly. flor. borrag. buglois. & similibus condiri potest.

Denique pro potu etiam absente vino *Cervisia* usus exhibendus, sed hac cautione, ne valdè cervisia lupulis aucta propinetur, lupulos enim caput replere in Medicorum lucubrationibus legitur. Sit verò parcior eius usus, cùm promptè etiam flatus generet, qua de causa, prospiciendum, ut probè cocta & defœcata fiet.

XXXVIII. *Exercitia corporis* non omittenda, *Motus & Quies* sed moderata & levia incunda, sunt enim hæc sanitati tuendæ accommodatissima. Hinc *Hipp. 2. aph. 51.* Omne nimium & repentinum naturæ inimicum, quod verò paulatim fit, tutum maximè, cum ab altero in alterum fit transitus; Mediocritas igitur observanda, vult & ille versus:

Sit modus in rebus, sint certi denique fines.

Et ut *Hipp.* habet: Sanitatis studium est non satiaricibus, & impigrum esse ad labores.

Qua ratione modica, matutinaque ambulatio laboranti necessaria, ut dein naturalis calor exuscitetur.

At circulari & vehementi commotione suscepta, corpus extenuatur, spiritus visibiles dissipantur, meritò igitur illi motus hoc in casu vitandi. Nec *Quies* prætereunda, est enim nimia inimica, corruptionis putredinisque autor. Quò etiam corpora sunt rariora & graciliora, eò etiam temperantiora requirunt exercitia. Huc etiam referri possunt, quæ suo motu oculos & indè animales spiritus laborantium movent, ut est inspectio rotarum mobilium, fluviorum, vectio in nave, vehiculo; Equitatio, despectio ex alto, &c. hæc omnia vertiginosis vitanda.

Somnus & Vigilia.

XXXIX. *Hipp. 2. aph. sect. 2.* dicit: *Somnus & vigilia* utraque si immoderata existunt, malum. Somnus, verò, in primis meridianus huius loci improbandus, propterea quod capitis imbecillitatem, aliàque incommoda inducere soleat, quatenus sc. exhalationes ad caput ascendentes excitat; proindè etiam brevior sit, tum etiam, quod caloris recessus ad interiora evaporationum causa existat. Decubitus nocturnus fiat dextri lateris, hac ratione primò cibus assumptus in ventriculo benè digeritur; secundò exhalationes ad caput per orificium sinistrum minus evaporant; tertio & ultimò absoluta chylificatione nutrimentum sat à natura elaboratum in universum corpus distribuitur. Econtrà *Vigiliarum* excessum totum corpus exsiccare, bilem augere, caput replere, spiritus movere, exsiccando tabem progenerare, & per consequens exsiccatò & assumpto calore nativo intemperiem frigidam in toto abundantem introduci, constat.

Excreta & Retenta.

XL. Nec negligenda *Excreta & Retenta*, ita ut hæc iusta quantitate & qualitate excernantur procurandum.

In-

In primis verò capitis excrementum per nares, aures, palatium promoveatur, & pori capitis aperti retineantur, huic usui inserviunt, matutinae capitis frictiones & pectinationes, debita item lixiviana.

XLI. Si humores & *Excreta* quantitate peccent, & in motu sint, revellantur, evacuentur, *venasectione*, *purgatione*, *clysteribus* & *glandibus*. Si *qualitate*, alterentur, increascentur. *Excreta* enim nisi debito tempore evacuentur coctionem impediunt, dum ab ijs vapores putridi ad ventriculum & vicinas partes exhalent. Naturales excretionibus iuvant vel mitiores evacuationes, vel diæta antea posita. Quo ad evacuationem tantum hîc volo meminisse. *Glandes* confici possunt ex hiera, agarico, sale gemm. & despumato melle; Præstò etiam esse possunt *Clysteres* ex furfuris, mercuriali, malv. betæ, flor. Chamæm. & salis decocto, in quo ℥ij. Ol. amygd. dul. communis aut aneth. ℥ij. mell. rosat. ℥i. hier. pic. Gal. adijcias. Nunc ordinis ratio locusque postulat, ut sextam naturalium rerum partem investigemus.

XLII. Restant ultimò *Animi pathemata*, *iræ* & *timor*. *Affectus animi.* *timorem* & *mæstitiam* in præservando hoc Symptomate respicientia. *Ira* cum sit effervescencia sanguinis circa cor, exuscitatione bilis tenuissimæ proveniens: citò enim ob biliosi humoris levitatem ad cerebrum fertur, illudque turbat, turbando usu rationis privat *Aristol. de vit. & mort. c. 6.* Quo ad præservationem huius præsentis affectus, inflammationem, fervoremque spirituum in cerebro obortum refrigerandum humectandum esse convenit. Sed cavendum ne nimium refrigerando duo animi pathemata *timor* videlicet & *mæstitia* graviora reddantur, ex melancholico succo alias ortum saum trahentia. Explicatis rerum non naturalium partibus, nunc ad *Chirurgiam*.

Chyrurgia.

XLIII. *Chyrurgica prasidia sunt hîc varia, potissimum verò Phlebotomiam, cucurbitulas, frictiones, cauteria, respicientia.*

XLIV. *Phlebotomia, in detrahendo sanguine locum habet, cum fomes mali præcipuè in eius materia hæreat, & in eo exhalatio vaporosa tum spirituosâ luxurare videatur. Præmisso siquidem aliquo leniente medicamento aut Clystere, vena brachij humeraria aperienda, facta simul hac cautione, quod rectè Altimarius post Damascenum lib. 3. c. 13. de cura Vertiginis monet, dicendo: Ne confertim & ἀθρόως fiat evacuatio, sed minori copiâ & partitis vicibus vitæ thesaurus educendus, ne exhausto naturali calore & spiritu, quod per pleniorē sanguinis educationem fieri soleat, æger facilè concidat, ut dein hac ratione illa magis magisque refrigeretur. In primis verò respiciendum, ut exterius anteaggressionem huius V. S. spiritus animales balsam. succ. maioran. foenic. rosm. &c. corroborentur. De quibus in topicis uberius.*

Absoluta V. S. unam atque alteram rotulam sumendam esse convenit, quarum descriptio hæc est: R. Diamosch. dul. ʒj. Ol. nuc. mus. per express. ʒj. succ. alb. gutt. 3. Amb. gryf. gran. 4. sacch. in aq. flor. lavend. solut. ʒiiij. f. Conf. in rotul. Si mulieribus menses suppressi fuerint, Saphena tundatur. Nos præcipuè in hac disp. Caput respicientes, de cæteris igitur partibus inferioribus obiter agendum duximus.

XLV. At non semper V. S. omnibus vertiginosis competere, ea propter ætatis & virium habenda est ratio, cum dein sanguinis detractione vires debiliores existant, qua ratione particulares evacuationes, quæ, ut dictum, venæsectionis convicarijs, cucurbitulis videlicet, frictionibus, cauterijs, perficiuntur.

XLVI. Corpore benè prius purgato, *Cucurbitulas* cum sacificatione ad occipitium affigendas esse suadendum, ut hoc modo humores vel succi insensibiliter possint resolvi & evacuari.

XLVII. *Cucurbitula cum vel sine scarificatione* applicentur. Hinc in signe remedium ponit *Felix Platerus* c. 7. de *vis. latione*, in hæc verba prorumpens; *Sacrificatio* fiat in carpi regione, vel manus ea sede externa, quæ est inter pollicem & indicem. In progressu verò *sine scarificatione*; fieri solet, partim materiam impactam dissolvendo, extrahendove, partim calorem nativum excitando, quo excitato, sanguinem cum spiritibus ad partem affectam alliciunt, in quem finem *frictiones* tam in parte sana quàm ægra institui possunt. *Frictiones* verò in pedibus, brachijs ad divertendam à *Capite* materiam fiant. Sed nota, neque *Altamarinus* neque *Mercatus* statim in principio cucurbitam scarificatam adhibent, nisi præmissis tam universalibus quàm *topica* medicamentis, de quibus speciatim in postremis thesibus agitur.

XLVIII. Denique convenienti tempore, corpore sc. prius præparato *Cantheria* in robustioribus adhibenda, quæ sunt *actualia* vel *potentialia*.

XLIX. *Actuale* hoc in affectu per mediam Capitis partem propè futuram coronalem introduci potest.

Si patiens ignem forsitàn refugiat, potiùs *potentiale* applicandum censebimus, quod tutius sit, maximi que momenti & utilitatis secum habeat; at differendum, donec altera præsidia antecefferint. In *potentiali* verò *cauterio* succurrendum pul. canth. euph. cum aceto & cera nixto. *Locus* applicationis erit *retro aures*.

Fonticuli etiam in brachijs facti, ad materiam deri-

vandam & evacuandam valent; Nec displiceret *seraceum* nisi tam crudele esset remedium. *Nunc ad Pharmaciam.*

Pharmacia.

L. *Pharmaciam* quod attinet, & primo purgantia, cum curatio consistat in remotione causæ; humores autem duplici modo evacuantur, vel *sensibiliter* vel *insensibiliter*. *Sensibiliter*, & quidem vel *universaliter* vel *particulariter*, & si ventriculus radicem Symptomatis suppeditet, ante omnia lenem quandam evacuationem primarum viarum præmittimus, pro humorum nim. varietate ordinandam; Vt si bilis fuerit in causa instituenda lenis quædam præparatio ex oxy sacch. syr. de infuss. ros. succ. cich. &c. aut evacuatio per ℥ss. *Manna* in brodio prunorum dissolutæ, aut paulo fortiolem portionem ad eundem prædominantem humorem ponimus: R. rad. Cich. ℥ij. Polypod. ℥j. fol. sen. s. stip. ℥iij. sem. foenic. ℥j. pasul. minar. ℥vj. F. decoct. in s. q. aq. pluvi. destill. vel feris lact. destill. ad 3. Colentur ℥iij. in Colatura infunde per noctem Rhab. ℥ss. Cinam. ℥j. Manè Coletur cum express. Colati post subsidentiam sume ℥ijss. syr. rosar. solut. ℥j. *Misce f. haustus.*

L I. Si ex humoribus in ore ventriculi contentis, vaporosus spiritus ad cerebrum delatus Vertigines prodigignentur, vomitu curari possunt ex anethini & raph. decocto, in quo oxymel aut syr. acetosus sit permixtus, illud à cibo tepidè potissimum assumatur; vel *Elect. Diasafaro Fernelij.*

L II. Redundante in ventriculo humore pituitoso, commendamus *Phlegmagogum*, dilutum Agarici quod R. Elect. Agar. ℥ij. zingib. ℥j. Crem. Tart. ℥ss.

Macerentur in vini odoriferi ℥ij. aq. absynth. foen. an. ℥j. Colentur & exprimantur. Subtile à crasso separatim cum Elect. Cariocost. ℥ss. misceatur f. h.

Nec non myrab. Chebul. decoct. & syr. ex plurimis infusionibus ros. rub. præscribendum. Denique *Pas-
sul.* in aceto coctæ, mirabiles effectus edunt, gutt. j. palato
illita pro evacuatione ponimus.

LIII. Si malum ab *atra bile* dependeat, præparetur
decocto ex fol. Meliss. thym. Epithy. lupul. flor. bor-
rag. bugl. rad. Elenij, &c. Norandum igitur præparatio-
nem evacuationis prodromum esse; Hinc *Gal. 4. de sa-
nit. tuend. 5.* asserit, quod crudorum difficilis ac laboriosa
siteductio, nihilque eâ notatu dignum moveri. Est &
Hipp. eiusdem sententiæ *aph. 2. s. 1.* Concocta, maturaque
medicari ac movere oportent, non cruda, neque per ini-
tia, nisi materia turgat.

LIV. Prædictus succus pil. coch. cum hell. In-
dib. delap. lazul. decoct. Epithym. fol. sen. rad. hell. nig.
præp. cum confect. hamech. diasen. syr. de fumar Epi-
thymo & similibus purgetur. *Purgatio* instituetur his
præsentibus pil. præcipuè *Caput* respicientibus: R. myra-
bal. Ind. bellicor. an. ʒß. Aloës, agaric. senæ, Epithym.
an. ʒß. pulp. Colocynth. anis. mastich, an. ʒß. Stöchad.
Sampsueh. an. ʒj. Esulæ ʒß. *F. Massa pil. quarum dos. ad*
ʒiß. plus vel min. quantum pro dispositione subiecti la-
borantis fieri potest. Hodie mirè commendantur pill. de succ.
Cratonis.

LV. *Insensibiliter* educuntur humores *per sudorife-
ra*, proinde usus decocti rad. sarsæ parill. tanquam tem-
peratæ radici quotidianus, vel in prandio & Coena, vel
etiam matutino & vespertino tempore, ad aliquot dies
summoperè laudatur.

LVI. *Cataractis* præmissis optimè succedunt
corroborantia, quæ vires à symptomate & pharmaco
amissas reparant & confirmant. Cereb. o autem prima-

riò affecto, quod hac in disputatione potissimum res-
ciendum statuimus, quo ad ipsius intentionem Caput &
nervosum genus corroborandum esse duximus, quibus
commendatur conserv. beton. flor. salv. lavend. anthos,
Stoechad. item spec. aromat. rosat. diagalang. dianth.
diamarg. cal. & similia. Syr. quoque de beton. ex succ.
card. benedict. ex scab. & qui his affines sunt. Nec se-
quentes etiam *Rotula* abijciendæ, quas *Excell. D. D. Greg.
Horstius*, ante hac Præceptor meus in Illustri Gießenâ,
æternùm amandus, colendus, ex *Suis* nobilissimis & salu-
berrimis Capitis observationibus nobis dictatis, huma-
niter communicare voluit, quarum descriptio ita esse
habet: R. C. C. ust. præp. ʒj. Marg. præp. Corall. rub.
præp. an. ʒß. Sacch. albiss. ʒiiij. Ol. nuc. musc. per ex-
press. ʒß. de succino gutt. 3. Cum aq. lavend. f.l.a. *Conf.
in rotul.* Aliud *præserv.* quod *Cunrad Künrath in Medull.
destill.* post se script. reliquit: R. sacch. albiss. ʒxii. in aq.
cerass. & primul. ver. lento igne coquatur, refrigerato
saccharo infundas Ol. anis. ʒj. succ. musc. foenic. Cumin.
an. gutt. 6. *Misc.* formentur *tab.* quæ non solum *Vertigini,*
verum etiam Apoplexia, Paralyti, &c. optimè succurrunt,
de his manè ʒj. sumendo.

Topica.

L VII. Ad *Topica præsidia* referri possunt olea si-
ne admixtione cæterorum simplicium aut composito-
rum, quæ arte chymica præparata & destillata sunt, ut est
Ol. caryophyll. *Vertigini* & visus debilitati optimè con-
veniens, sumptis nim. tribus aut quatuor guttis cum of-
sa alioque liquore appropriato. Nec minori precio habe-
tur Ol. nuc. musc. trium aut quatuor guttarum instar,
cum vino Cretico aut aq. beton.

Tertium locum hîc occupare videtur ol. succ. gutt. j.
cum aq. lavend. accipiendo,

LVIII. Possunt etiam adhiberi & sequentia *internè* vel *externè*; Vt ol. zedoar. Cinn. Galang. Citri. Magiste. Amethist. Essent. Margar. Diamosch. dul. Item Ol. Agar. spr. vitri. sal. sulph. Ol. Agaric. cum Elect. plyrisarc. Bals. musc. cariophyll. succ. Citri, Cardam. rosar. carui, thym. maioran. rorism. puleg. lavend.

Priori modo à gran. ad scrup. cum liquore aut elect. exhibendo: *Posteriori*, verticem capitis, manuum ac temporum pulsus inungendo, sed præcedentibus prius universalibus purgationibus.

LIX. *Ad alterum topicorum genus* pertinent medicamenta inter se commixta. Inde alia resurgunt in *forma liquida* vel *sicca*.

LX. *Liquida* sunt olea Composita, Vnguenta, Embrochæ, aurium instillationes. *Sicca internè* vel *Externè* capiti subministrant. *Internè* præstò sunt orbiculi odorati, Errhina, sternutatoria, apophlegmatismi seu masticatoria, ista omnia applicare debeant, præmissis prius universalibus remedijs.

Externè sacculi, pileoli, cucufa. Et hic nodulus ad odoratum pro capitis graviss. Symptomatibus præcavendis R. herb. maior. rorism. cum flor. Cort. Citri, an. ʒj. nuc. musc. macis an. ʒß. Nigell. ʒiß. Fiat pul. gross. pro modulo ad odoratum.

LXI. *Masticatorium* sequens æger masticer, frequenter interea exspuendo: R. rad. pyrethr. sem. staph. an. ʒj. Cubeb. pip. foenic. an. ʒß. Maioran. ʒj. Mastice ʒij. Excipiantur pulp. passul. addendo si non hæcant, parum Cerae ad form. pastill.

LXII. *Cucupha* gestari quotidie debet: R. rad. Cyper. Acori veri, Cort. Citri an. ʒi. sem. Coriand ʒij. Myrtil. ʒj. flor. rosar. anthos an. ʒß. Cariophyll. ʒß. F. pul. pro cucupha.

LXIII. Cætera superius enumerata, ex *Practicorum* lucubrationibus passim desumi poterunt. His verò breviter adumbratis, manum de tabula tollimus, idcirco nobis, hoc in loco, *rudi Minervâ*, dixisse sufficiant.

Faxit *DEVS Clementissimus*, ut hæc exercitatio Medica in *Divini Nominis* gloriam, proximi commodum, nostrique salutem plurimum cedat, qui diu nos omnes & singulos incolumes servare velit, ardentibus precibus efflagitamus.

Jehovæ Archiatro Opt. Max. gloria.



I.

Ad Præstantissimum & Literatissimum
Virum-juvenem,

Johann-Reinhardum Ritte-
rum, Medicinæ Candidatum meritissimum,
Amicum suum integerri-
mum.

Sic est: Fata viam parant, *DEVS* q̃
Rerum eventa manu regit benignâ!
Sic est: *RITTER*, Amice pot' amande!
Iam Semestris, opinor, evoluta est
Tempestas, ubi concitatiores
Lapsu, sat subitam tibi struebat
Via perniciem triformis illa
Parca, Sorsq̃ diu parùm favissans.

ÆSCVLAPIVS aſt DEVS paternas
 Tam curas ſobolis gerens, nefandos
 Aususq; annihilans, citò ſalubrem,
 Expertus Medicus, tulit medelam,
 Collapſumq; iterum Tibi vigorem,
 Ceu poſtliminò IngenI reduxit
 Ergò imbelle paras, AMICE, bellum
 Nunc, cordato animo diu repoſtum?
 Sed quo bellius eſſe vix qui ullum,
 Et vix eſſe operoſius qui ullum.

At præclara tibi quæ Arma? Nempe
 Conſille ſenex in Arte Summus,
 Inſignisq; Galenus huic Secundus,
 Et, quam clarat acumen expolitum
 IngenIq; Scientia & profunda,
 Arti Pæonia ſat ampla turba.

O factum benè, doctè Candidate!
 Miles quòd veteranus in palæſtrâ
 Dudum Pæoniâ audiſti ad Ellum,
 Et Giſſæ, & rigui ad fluentia Nicri.
 Maçte Pieridum decus Dearum

RITTER: bella tibi favet Minerva,
 Ac porro Pater ipſe Phœbus auſis
 Alumni favet hîc fidelioris.

Proin, perge opus expedire captum:
 Sic tandem Capiti tuo coronam

Aptabit viridem favens APOLLO:
 HYGEIAM & tibi FILIAM, brabènm,
 Improbo emeritum diu labore,
 Plaudens ſpontè dabit; favore cuius
 Quo poſſis Patriam tuam juvare,
 Atque agro populo queas mederi,

Parentesq;

Parentesq; beare curiosos.


Sic, quæ bellum esse vix quit illum,

Quod in bello paras, AMICE, bellum:

Sit felix tibi, sit precorq; faustum.

Faultæ acclamationis: Amoris, & bene-
volentia ergo deproperabat

Johannes Gerhardus, cum Do-
gmaticæ, tum Spagyricæ
Medicinæ addictus.



I I.

Ad eundem.

Quid quisque vitet nunquam homini satis
Cautum est: in horas mors manet usque nos,
Et semper improvisa lethi

Vis rapuit rapietque multos.

Tu verò nuper, RITTER amabilis,
Erepte mortis faucibus optimi

Et maximi dextrâ Jehovæ,

Ancipitem dubiamque sortem.

Belli experiri non dubitas tamen?

Luctaris in certamine Pallados,

RITTER, Jehovæ Præsidisque

Auxilio clypeoque nixus.

Affurge tantum, pectore & arduo

Resiste nunc insultibus hostium,

Resiste, RITTER. Sed quod omen

Præmeditor? Referes trophæum.

Nam seu retundas spicula robore,

Sive arte, vinces. Mox tamen & dabit

Victore tali Apollo dignos,

Hisq; tuis animis honores.

Ioh. Sebastianus Bloß.

F I N I S.